

INUIT ATAQATIGIIT

INATSISARTUNI



Nuuk, 3. februar 2012

Inatsisartut Suleriaasianni § 37 naapertorlugu matumuuna imaattumik Naalakkersuisunut apeqquteqarpunga:

Apeqqut:

Nunatsinni meeqqat, inuusuttuaqqat inuusuttullu ADHD-mik Autismemillu nappaateqartut, sullinneqarnermik ataavartumik aqqissuussamillu sullinneqarsinnaanissaat anguniarlugu pilersaarummik pilersitsisoqassagaluarpat, tamanna inuiaqatigiinnut qanoq aningaasartuutaassava?

(Inatsisartuni ilaasortaq Olga P. Berthelsen , Inuit Ataqatigiit)

Tungavilersuut:

Meeqqat ADHD-mik Autismemillu nappaatillit Nunatsinni amerliartorput. Nappaatit taakkua pineqartut, angajoqqaanut, ilaqutaasunut, ilinniartitsisunut, inuiaqatigiinnullumi annertuumik unammilligassatsinnik pilersitsippat artukkiisareerlutillu. Nunatsinni sumiiffinni amerlasoorpassuarni, immaqalumi sumiiffinni tamani, ADHD-mik nappaatilimmik/-nik peqartugut qularivallaanngilara. Nunatsinni sumiiffinni aalajangersimasuni inissisimalluni, sumiiffiup periarfissiissutaat tungavigalugit ilaqutariinnut ataasiakkaanut sullissinerit assigiinngittuusinnaanerat ernumassutigineqarsinnaavoq. Tamatuma kingunerisinnaavaa meeqqat sullinneqanngitsoornermik kingorna siunissami inuiaqatigiinni inooqataalersinnaanissaasa innarlerneqarnerat.